

Gure buruez gainetik
joan zaten uholdea,
behar bada zuelarik
gu hilzeko moldea.

Gure fabore guzia
Jaunaren izenean;
zeru-lurren Egilleaz
orhoitzen naizenean”.

d) *Bezperak*. Bost salmu dauzkate: 109'garrena, “Dixit Dominus Domino meo”; 112'garrena, “Laudate pueri”; 121'garrena, “Laetatus sum”; 126'garrena, “Nisi Dominus aedificaverit”, eta 147'garrena, “Lauda Jerusalem”; kapitula, “Ave maris stella”, goratzarea, “Magnificat” eta otoitza.

Ona ikusburu bezela 112'garren salmuaren lau ahapaldi:

“Haurrak lauda ezazue
gure Jainko Jauna!
Lauda bihotz onez beti,
Jainko hunan izena.

Iguzkia ilkitzetik
etzite mugaraino;
izen hura handi bedi,
lauda bedi oraino.

Emanik koplaturuko,
orai eta sekulan;
lauda bedi gure Jauna,
sainduen sandagaillan.

Jaun guztien gorena da,
gure handi Jainkoa;
loria bat hunek badu,
zeruez gainekoa”.

Ederki zaintzen du azken oskidegoa. Neurkeran, orraitio, badu emen oker pitiña, az da, “Gure Jainko Jauna” ahapaldian ez du diptongorik egiten, zazpi silabako bertsoari eustearren; alere, -ai ra -au diptongoak dira.

e) *Konpletak*. Iru salmuk osatzen dute illuntzeko otoitza. Onela: 128'garrena, “Saep̄e expugnauerunt”; 129'garrena, “De profundis”, eta 130'garrena, “Domine, non est exaltatus”; kapitula, Simeon'en kantika, otoitza ta amaitzeko, Andre Mariaren azken antifona, aldi bakoitzari dago-kiona.

Irakur apaltasunezko itzaropenez beteriko zati au, 130'garren salmuko leenengo lau ahapaldietatik artuta:

“Jauna, nihoiz ez naiz hazi
bihotz gorapenetan,
nihoiz ez ditut altxatu
begiak urgulutan,

Ez naiz ere gauza eder
handietan ibili,
ez dut miragarrietan
gogorik erabili.

Aitzitik begiratu dut
ahal humiltasuna;
ene ariman barrena,
datorren ontasuna.

Ditiko haurraren legez,
arimor bazkatzeko;
eta behar naizen gauzen,
zurekin azkartzeko”.

Ikusi duzunez, auxe da Andre Mariaren “Ofizioa”. K. Harizmendi'k orduko arima Jainkozaleei, bazka guri bezela, euskera atsegiñean emana. Zuri ere on-egin daizula bazka onen gozoak.